

15. Norberaren datuen babesa: egileek edo egilekideek eman dituzten datu pertsonalak SGAE Fundazioaren ardurapeko fitxategi batean gordeko dira. Izan ere, Norberaren Datuak Babesteko Legea eta horrekin lotuta indarrean dauden arauak ezarriko dira une oro. Sartzeko, zuzentzeko, ezerezteko eta aurka egiteko eskubideak erabiltzeko, egileek edo egilekideek honako helbide honetara idatzi beharko dute: SGAE FUNDAZIOA, Bárbara de Braganza kalea, 7. zenbakia, 28004, Madril (Zuzendari Nagusiaren arreta).

16. Arau orokorrak:

- a) Egile bakarreko antzezlan izanez gero, proiektuaren egileak berak aurkeztu beharko du eskaera. Elkarlanean egindako proiektua izanez gero, eskaera egilekide guztiek batera aurkeztu beharko dute.
- b) Eskaera aurkeztean, parte-hartzaileek agiri honetan zehaztutako baldintzak eta arauak onartu beharko dituzte. Era berean, baimena emango diote SGAE fundazioari, laborategiari buruzko informazioa eskaintzean hautatutakoen datu profesionalak edota irudiak erabiltzeko.
- c) Argitalpenean antolakuntzaren logotipoak agertu beharko dira.
- d) Parte-hartzaileek SGAE Fundazioa erantzukizunetik salbuetsiko dute, plagioa egin edo indarrean dagoen legea hausten badute.
- e) Lehiaketa honen ondorioz, SGAE Fundazioak ez du agiri honetan adierazitakoa ez beste erantzukizun zuzen edo subsidiariorik izango laborategia egin eta garatzen denean.
- f) SGAE Fundazioak eta hautatutako proiektuen egileek edo egilekideek elkarlanerako hitzarmen bat izenpetuko dute. Horrek, halaber, dokumentu honetan ezarritako arauak bete beharko ditu, baita jarraian zerrendaratu dugun informazioa hau ere:
 - Alderdien eskubideak eta betebeharrak.
 - Laborategiaren hasieraren eta amaieraren epea.
 - Azken idazkiaren entrega-data: 2017ko ekainaren 23a.
 - Emandako diru-laguntzaren zenbatekoa.
 - Ordaintzeko modua.
 - Laborategiaren jarraipena (txostena, ebaluazioa eta amaierako testua).
- g) Dokumentu honi ezartzen zaion legeria Espainiakoa da eta alderdiek egokitu ahal zaien foruari uko egin eta Madrilgo Auzitegien jurisdikziopean egotea onartzen dute.

Antzezlanak Idazteko V. Laborategia

fundación **sgae** fundazioa

MATERIALAK BIDALTZEKO
HELBIDEA
artesescenicas@fundacionsgae.org


INFORMAZIOA
Interesdun orok honako helbide
hauetan kontsulta dezake oinarri
buruzko informazio gehiago:
artesescenicas@fundacionsgae.org
informacion@fundacionsgae.org

www.fundacionsgae.org
www.sgae.es
Tel. 91 503 68 14 / 57

sgae taldearen laguntzarekin

Antzezlanak Idazteko V. Laborategia

fundación **sgae** fundazioa



Antzezlanak idaztea sustatzeko eta autore dramatikoek laguntzeko asmoz, SGAE Fundazioak lehiaketa deitu du honako laborategi honetarako parte-hartzaileak hautatzeko:

Antzezlanak Idazteko V. Laborategia

fundación **sgae** fundazioa

ARAUAK

1. Espainian bizi diren SGAEko bazkide guztiek parte hartu ahal izango dute. Aurkeztutako proiektua elkarlanean egindakoa izanez gero, egilekide guztiak SGAEko bazkideak izan beharko dira, salbuespenik gabe, eta Espainian bizi beharko dira.
2. Egileek eta egilekideek 2016/2017rako deitutako laborategi bakar batean baino ezingo dute parte hartu. Aurretik SGAE Fundazioaren laborategiren batean hautatu dituzten egileek edo egilekideek ezingo dute aurtengoan egin.
3. Bazkideek antzezlan-proiektu bakarra aurkeztu beharko dute, egile bakarrekoa edo beste egile batzuekin elkarlanean egindakoa, eta gatzelaniaz edo espainiar estatuko beste edozein hizkuntzatan idatzita egon beharko da. 10 orri izango ditu (4.500 hitz), eta bertan honako hauek agertu beharko dira: egilearen motibazioak, argudioaren laburpena eta pertsonaien ezaugarriak. Elkarlanean aurkeztutako proiektuen egileen kopurua ezingo da hiru (3) baino handiago izan.
4. Honako agiri hauek aurkeztu beharko dira, **PDF formatuan** eta **hiru fitxategitan**:
 - a) Lan-proiektua (2. puntuari azaldukoaren arabera), eta egilearen edo egilekideen curriculum vitae laburra.
 - b) Egileak edo egilekideek lehendik idatzitako antzezlan originala. Hain zuzen ere, egileak edo egilekideek garatu nahi duten antzezlanetik hurbilen dagoen generokoa eta luzerakoa izango da.
 - c) Posta-helbidea, posta elektronikoa, harremanetarako telefono zenbakia, NANak eskaneatuta eta bazkide-zenbakia.

5. Eskatutako agiri guztiak PDF formatuan eta e-postaz bidali beharko dira artescenicassgae@fundacionsgae.org helbidera, **2016ko azaroaren 10etik abenduaren 3era** bitartean (biak barne). Bertan, honako hau jarri beharko da: “(Egilearen edo egilekideen izena) – **Antzezlanak Idazteko V. Laborategia**”.

6. SGAE Fundazioak SGAEko kidea den egile dramatiko ospetsu bat izendatuko du laborategiko zuzendari. Sorkuntza-prozesu osoan, hautatutako egileen taldea koordinatu eta orientatuko du.

7. SGAE Fundazioak eskatutako baldintzak betetzen dituzten proiektuen artean sei hautatuko ditu, honako prozedura honen bitartez:

- a) Arte eszenikoen munduko hiru eta bost kideren arteko prestigiozko epaimahai batek proiektuak hautatuko ditu, eta kideok SGAE Fundazioak izendatuko ditu. Epaimahaiko presidentea **Antzezlanak Idazteko V. Laborategiko** zuzendaria izango da.
- b) Horretaz gain, argitaratuko ez den hiru proiektu gehiagoko ordezko zerrenda ere ezarriko du epaimahaiak, jakitera emango ez dena, uko eginez gero hautatutakoak ordeztu ahal izateko.
- c) Epaimahaiaren erabakia 2017ko urtarrilean emango da jakitera.

8. SGAE Fundazioaren Antzezlanak Idazteko V. Laborategian zuzendariak eta hautatutako proiektu bakoitzeko gutxienez egile batek hartuko dute parte. Laborategian parte hartzeko hautatutako egile edo egilekideek antzezlan-proiektua garatu beharko dute aurreikusitako epealdian, zuzendariaren laguntzaz eta ikuskaritzapean.

9. Prozesuan, talde-lanerako bilerak egingo dira hautatutako egileen edota egilekideen artean, lanen garapenaren berri emateko. Bilera horiek laborategiko zuzendariaren ikuskaritzapean egingo dira beti.

10. Laborategiko bilerak Madrilen egingo dira aldian-aldian, 2017ko urtarriletik aurrera eta urte bereko ekainera arte. Ezinbestekoa izango da, antolakuntzak zehaztutako egun eta orduetan, proiektu bakoitzeko egile bat gutxienez bilera horietara joatea.

11. Egile bakarreko proiektuen baten egilea Madrilen bizi ez bada, SGAE Fundazioak ordainduko dizkio joan-etorrietarako, ostaturako eta mantenurako gastuak. Hala ere, SGAE Fundazioak hautatutako 6 proiektuen egile eta egilekideen gastu horiek ordaintzeko daukan aurrekontuko partidaren zenbatekoa ez da aldatuko, proiektu bakoitzeko egileen kopurua gorabehera. Zenbatekoa proiektu bakoitzeko egile bakar baten gastuak ordaintzeko kalkulatu da. Horri dagokionez, beharrezkoa izango da elkarlanean egindako proiektuen egilekideek alde aurretik adostea zein egileri ordainduko zaizkion gastu horiek. Hori dagokion dokumentuan adieraziko da, arau hauetako 4. puntuko c) ataleko fitxategiarekin batera.

12. SGAE Fundazioak hautatutako proiektuei 5.500na euro (zergak barne) ordainduko dizkie. Egile bakarra badago, honela ordainduko zaio zenbatekoa: 2.750 €, laborategiaren hasieran; eta 2.750 €, amaieran (amaierako testua aurkeztu ondoren). Bi kasuetan, alde aurretik dagokion hitzarmena izenpetu beharko da eta legez onartutako kobrantza-dokumentua aurkeztu beharko da, indarrean dagoen araudiaren baldintzak betetzen dituen. Aurkeztutako proiektua elkarlanean egindakoa bada, 5.500 €-ko zenbatekoa egilekideen artean banatuko da zati berdinetan. Bakoitzari dagokion zenbatekoa bi zatitan emango da, aurreko paragrafoko irizpideari jarraituz (zati bat laborategiaren hasieran; eta bestea, amaieran, kobrantza dokumentua aurkeztu ondoren).

13. Hautatutako egileek edota egilekideek konpromisoa hartuko dute laborategian parte hartzeagatik lortu duten esperientziatik eta teknikatik sortutako lanen argitalpenerako eskubideak lagatzeko. Izan ere, SGAE Fundazioak eskubidea izango du antzezlan horiek egoki deritzon bilduman, datan, euskarrian eta ale-kopuruan argitaratzeko.

14. Egileek edota egilekideek konpromisoa hartuko dute, hautatutako antzezlanen antzezipen eta argitalpenetan **2016-2017 SGAE Fundazioaren Antzezlanak Idazteko V. Laborategia** aipatzeko.